

BASES

VI CONCURSO DE TRAXES MEDIEVAIS - XV FEIRA MEDIEVAL

Primeira

O Concello de Monforte de Lemos convoca o **VI Concurso de Traxes Medievais**, actividade que se realizará dentro do programa de actos da *XV Feira Medieval* o día **15 de abril de 2017**.

Segunda

O obxectivo deste concurso é premiar os mellores traxes medievais que luzan os participantes inscritos, e así incentivar os monfortinos e os visitantes á participación e á ambientación nos actos organizados con motivo da *Feira Medieval*.

Terceira

Para participar no concurso de traxes medievais é necesario inscribirse oficialmente. As solicitudes de inscrición para a participación no concurso presentaranse no Rexistro Xeral do Concello de Monforte do 27 de marzo ó 11 de abril, podendo inscribirse tamén o propio día 15 de abril no punto de información habilitado na Praza de España en horario de 11:00 a 13:00 h.

A inscrición no concurso de **traxes medievais** implica a autorización de todos os participantes inscritos na posible difusión dos documentos visuais recollidos na realización da actividade. Documentos a utilizar polo Concello na súa páxina web, na elaboración de carteis, en folletos informativos ou outras posibles edicións municipais.

Cuarta

As modalidades do **concurso de traxes** son as seguintes, entendendo por infantil ata os 12 anos:

- | | |
|-----------------|---|
| Adultos | - Individual |
| | - Parellas (2 compoñentes) |
| | - Grupos (a partir de 5 compoñentes) |
| Infantil | - Individual |
| | - Parellas (2 compoñentes) |
| | - Grupos (a partir de 5 compoñentes) |

Quinta

Os/as participantes vestiranse tendo en conta a temática medieval.

Se se participa na modalidade individual non se poderá participar na modalidade parella e á inversa.

Sexta: PREMIOS

ADULTO

| | | | | |
|------------|-----------|----------|-----------|----------|
| Individual | 1º premio | 75,00 € | 2º premio | 50,00 € |
| Parellas | 1º premio | 175,00 € | 2º premio | 125,00 € |
| Grupo | 1º premio | 275,00 € | 2º premio | 175,00 € |

INFANTIL

| | | | | |
|------------|-----------|----------|-----------|----------|
| Individual | 1º premio | 50,00 € | 2º premio | 25,00 € |
| Parellas | 1º premio | 100,00 € | 2º premio | 75,00 € |
| Grupo | 1º premio | 175,00 € | 2º premio | 125,00 € |

Os premios serán indivisíbeis e poderán quedar desertos algúns deles, segundo a decisión do xurado do concurso. En caso de empate decidirá o voto de calidade do presidente do xurado. O xurado terá liberdade para establecer as súas cualificacións.

Sétima

O xurado do concurso estará composto por:

PRESIDENTE: A Delegada de Cultura ou persoa á que designe.

VOGAIS: Persoas que traballen nas diferentes empresas contratadas para o desenvolvemento da Feira Medieval e en agrupacións e asociacións relacionadas con feiras medievais así como representantes de asociacións e colectivos relacionados coa vida monfortina.

SECRETARIO: O técnico de cultura do Concello de Monforte, con voz e sen voto, que certificará o cumprimento das condicións establecidas nas bases do concurso.

Oitava

Criterios de valoración do xurado:

Os traxes realizados artesanalmente, a súa elaboración, a riqueza en complementos, a posta en escena, o material utilizado e o seu rigor histórico, tamén se valorará a permanencia do participante co traxe posto durante os actos organizados durante a *Feira Medieval*, contribuíndo á animación do mercado coa súa presenza.

Co fin de que sexan obxectivas as cualificacións do xurado, cada criterio enumerado terá unha valoración mínima do 10% e unha máxima dun 25% da total da puntuación.

Novena

Os participantes no concurso concentraranse na Praza de España (a carón do Cruceiro) onde estará situado o xurado, ás 17:00 h do sábado 15 de abril e de alí sairán en desfile por diferentes rúas monfortinas.

O persoal de organización e o xurado do concurso quedan facultados para excluír do concurso calquera elemento que se considere perigoso (petardos, bengalas...), co obxecto de garantir a seguridade dos demais participantes e do público asistente.

Décima

A decisión do xurado farase pública o mesmo día 15 de abril ás 19:00 h.

Décimo primeira

Os aboamentos dos premios serán tramitados polo Concello de Monforte de Lemos, mediante vales para a compra no comercio local, estes establecementos en ningún caso poderán exercer a súa actividade mediante a fórmula de C.B.

O prazo máximo para facer efectivo os vales será dun mes a partir da súa recepción.

Aos/ás gañadores/-as do concurso seralles requirida a seguinte documentación:

- DNI
- Declaración xurada de estar ao corrente coas contas públicas

Décimo segunda

A participación no concurso supón a aceptación de todas e cada unha das bases expostas. A decisión do xurado é inapelable.

Contra a resolución definitiva que esgota a vía administrativa, os interesados poderán interpor recurso potestativo de reposición perante a Xunta de Goberno Local no prazo dun mes, se o acto foi expreso ou de tres meses, ou ben directamente o recurso contencioso - administrativo, no prazo de dous meses, perante o Xulgado co Contencioso- Administrativo de Lugo.

Décimo terceira

No non previsto nas presentes bases estarase ao disposto na ordenanza xeral reguladora da concesión de subvencións municipais e de xeito supletorio na Lei 38/2003 do 17 de novembro, Xeral de subvencións, no RD 887/2006 de 17 de novembro, polo que se aproba o Regulamento da Lei 38/2003, e na Lei 9/2007 do 13 de xuño de subvencións de Galicia.